

Sit felix, sit faustus *Honor*, sit *Gloria* durans,
Auxilio ut miseris semper adesse queas.

Ex animo adplaudite

T. H. ZVINGERUS, Eloq. Prof.

V.

Festum, Pierides, promite barbiton,
Pæonis Medico plaudite filio.

Calcavit dubias continuo pede

Phæbeæ Sophia magnanimus vias,

Progressusq; jugum scandit Apollinis,

Et sese medicos miscuit in choros.

Ergo cum resonis clangite buccinis;

Ergo lata sonent omnia cantica;

Ergo tergeminis dicite vocibus,

Illustris vigeat, prosit ut omnibus.

Gratulabundus accinit

J. C. WOLF, Professor Tigurinus.

VI.

Clarissimo atq; Literatissimo

D. N. HAN HARDO,

Supremos in Medicina Honores bene
promerito.

Parnassus altus traditur
Jugis duobus scandere;

Phæbo jugum, Bromio jugum

Antiquitas sacraverat.

Frontes Eoo cardine

Ab invicem sunt dissitæ;

Hanc sola virtus incolit,

Istamq; scandit impia,

Vitisq; turba dedita.

Hæc celsa Musarum est domus,

Hic fons sacer Castalius,

Cœnaculum hic Apollinis

In quo suas artes docet,

Usum medendi maximum,

Et quæ salubris herba sit,

Dat larga lætus munera.

Collem petens Apollinem

Quærit, levaturus sitim

De Fontis undis Delphici,

Amore cujus captus est.

Hanharde, perge strenuo

Gressu sacratum scandere

Doctis dicatum verticem!

In ejus est cacumine

Apollo Divus, Lauream

Flectit Tuis laboribus,

Tua hæc ambibit tempora.

Cælo est cacumen proximum,

Si scanderis sublimia

Virtutis hæc subsellia,

Post hæc honorum præmia.

Tuum ingeres & Nubibus

Tandem caput Cælestibus.

Gratulabundus deproperabat Tiguri

J. H. HOTTINGER, L. SS. Professor.

3 A

VII.